

摘藻堂四庫全書薈要

集部

欽定四庫全書薈要

集部

御選元詩卷四十八

詳校官原任主事臣李斯咏



欽定四庫全書蒼要卷一萬八千四百六十

集部

御選元詩卷四十八

七言律詩七

薩都拉

丁卯及第謝恩奉天門

禁柳青青白玉橋無端春色上宮袍
卿雲五彩中天見聖澤千年此日遭
虎榜姓名書綵紙羽林冠蓋豎旌旄
朝回龍尾頻回首玉漏花深紫殿高

賜恩榮宴

內侍傳宣下玉京
四方多士被恩榮
宮花壓帽金牌重
舞妓當筵翠袖輕
銀甕春分官寺酒
玉杯香賜御厨羹
小臣涓滴皆君賜
惟有丹心答聖明

西宮春日與吳錦衣賦

九重春色金銀闕
冠帶將軍盡羽林
上苑春鶯隨柳轉
西宮午漏隔花深
天開閭闔收金鎖
簾捲奎光聽玉音
白髮儒臣賣詞賦
長門應費萬黃金

京城春暮

三月京城飛柳花
燕姬白馬小紅車
旌旗日暖將軍府
絃管春深宰相家
小海銀魚吹白浪
層樓珠酒出紅霞
蹇驢破帽杜陵客
獻賦歸來日未斜

丞相出獵

將軍一戰山河定
雲漢昭回玉樹高
柳外解鞍春洗馬
月中飛箭夜鳴鵑
呼鷹走狗清時樂
斬將褰旗舊日勞
白面內官催賜酒
漢庭不數霍嫖姚

次韻送虞伯生入蜀代祀

芙蓉仙掌座中低，后土宵光手可齊。
閣道蹴雲衣有瓣，蜀天漏雨石無泥。
岐山過馬應聞鳳，陳寶停輶莫信雞。
揚我大邦文物盛，題詩應近草堂西。

贈劉雲江宗師

羽人推轉阿香車，童子穿松拾翠華。
天上賜衣霑雨露，山中詩錦織雲霞。
瑶臺紫氣秋橫劍，石室丹光夜走砂。
擬借茅君三白鶴，乘風騎到玉皇家。

寓昇龍觀時吳宗師持旨先駕至大都度灤川
遂次韻賦此以寄并簡順咨先生

扈蹕千官取次行道人先踏雪泥晴闕南日暖龍顏近
嶺北風高鶴背輕丞相早行霜滑馬將軍夜宿火連營
一年兩度經過處惟有青山管送迎

寄參政許可用

紫髯參政黑頭公日日鳴珂近九重花底聽鶯黃閣散
御前剖竹紫泥封都將筆下文章潤散作人間雨露濃

未信吟詩趨幕府霜寒翠袖倚芙蓉

寄進士額森布哈仲實除侍儀通事舍人

舍人楚楚好容儀玉立清朝白玉墀
紫袖窄衫花萼繞黃金小帶荔枝垂
綵旗拂柳春班卷宮漏穿花午仗移
朝罷太平無事日芙蓉葉上好題詩

送南安鎮撫趙南山捧表西省

平生尺劒衆中師臣子肝腸天地知
少壯金戈探虎穴太平鎧甲網蛛絲
青衫白髮尊前酒紫塞黃雲馬上詩

今日又隨天表去梅花香裏立沙墀

和馬伯庸除南臺中丞時僕馳驛遠迓至京復
改徽政以詩贈別

江南驛使路遙遙遠赴龍門望海潮桂殿且留修月斧
銀河未許度星輶隔花立馬聽更漏帶月鳴珂起早朝
祇恐淮南春色動萬竿煙雨綠相招

元統乙亥余除閩憲知事未行立春十日參政
許可用惠茶賦此以謝

春到人間纔十日東風先過玉川家
紫薇書記斜封印黃閣香分上賜茶
秋露有聲浮薤葉夜窗無夢到梅花
清風兩腋歸何處直上三山看海霞

黃河夜雨懷烏延子方

風流俊逸四公子輕帽短衣過魯城
紫陌東風閒戲馬綠窗明月醉聞鶯
櫻桃花下春中酒沈水香回夜按箏
獨有黃河千里客短篷聽雨到天明

馬上偶成

秋水芙蓉淡淡妝平湖昨夜有新霜
人間女子空自好馬上郎君不暇狂
十二玉樓空薄命三千客路儘他鄉
上林白雁無消息欲向何人寄斷腸

高郵城曉望

城上高樓城下湖城頭畫角曉鳴鳴
望中燈火明還滅天際星河澹欲無
隔水人家暗楊柳帶霜鳬雁起菰蒲
短衣匹馬非吾事擬向煙波覓釣徒

遊竹林寺

野人一過竹林寺無數竹枝生白煙江近玉龍埋碧草
月明黃鶴下芝田樹銜宿雨啼山鷓花落春風老杜鵑
何日來分雲半榻故人不用買山錢

春日登北固多景樓錄奉即休長老

醉拍闌干起白鷗登臨不盡古今愁六朝人物空流水
三國江山獨倚樓禿髮涼風吹木葉孤城落日下簾鉤
海門不管興亡事猶送春潮打石頭

東風吹樹散晴嵐獨上層樓酒半酣拍岸潮聲來海外

滿江山色入淮南當時霸主分三國此日吳禪老一龕
惟有樓前舊時柳年年三月色如藍

還京口

黃鶴山頭雪未消行人歸計在今朝城高鐵甕江山壯
地接金陵草木彫北府市樓開舊酒南朝官柳識歸橈
吏人莫見參軍面水宿風餐鬢髮焦

寄京口鶴林主人了即休

白頭不出城南寺枯坐蒲團笑客忙過暑葛衣渾破碎

逢秋竹院愈荒涼
空山雲濕龍歸鉢
古屋松低鶴在牀
遙憶題詩舊
遊處夜深東壁月
蒼蒼

臘盡過練湖

獨倚牙檣數客程
殘年風景足鄉情
寒天半夜無人語
明月滿船聞雁聲
雲外好山如有約
煙中野樹不知名
明朝烏鵲橋頭鬧
應是人家出戶迎

送友之金陵

江城曉雨開新霽
行李蕭蕭去遠垆
千古風流鬢毛白

六朝山色馬頭青
秦淮月出潮初上
蕭寺鐘聲酒半醒
莫唱當時後庭曲
殿臺芳草夜飛螢

宿曲陽仙館

天際三峰橫紫煙
山前山後盡芝田
樓臺木末疑無路
雞犬雲中半是仙
白石經年皆化玉
青松盡日祇聞泉
曲林三館幽深處
一夜重樓聽雨眠

姑蘇臺奉別侍御王繼學

驄馬霜臺好使君
碧羅衫色透春雲
簾垂綬帶鰕鬚細

燭剪金釵燕尾分四海名高瞻北斗五絃調古和南薰
姑蘇臺下人無數爭看門生拜主文

吳山女道士 并序

吳山紫陽菴浙民丁氏棄族為全真一日召妻入
山書付四句云嬾散六十三妙用無人識順逆兩
俱忘虛空鎮長寂抱膝而逝尸堂尚存其妻束髮
簪冠為道士奉夫尸不下山二十年一節可尚也
姓王名守真因賦此以贈之

不見遼東丁令威舊遊城郭昔人非鏡中春去青鸞老
華表山空白鶴歸石竹淚乾斑雨在玉簫聲斷綵雲飛
洞門花落無人掃獨坐蒼苔補道衣

三衢馬太守昂夫索題爛柯山石橋

洞口龍眠紫氣多登臨聊和采芝歌爛柯仙子何年去
鞭石神人此地過烏鵲橫空秋有影銀河垂地水無波
遙知題柱凌雲客天近應聞織女梭

題劉渙中司空隱居圖

放光山下結茆廬
光照山人夜讀書
童子抱琴隨白鶴
鄰翁看竹借籃輿
門前秋葉從風掃
屋後春田帶雨鋤
自笑天涯倦遊客
十年未有一廬居

九華山石墨驛

馬上行人思九華
飄飄高興滿天涯
排空峭石生玄筍
落日奇峰挂赤霞
仙掌九秋傾露屑
天河半夜礙星槎
雲中五老應招手
呼我來遊太乙家

鳳凰臺為御史大夫易釋董公同賦

六朝歌舞豪華歇商女猶能唱後庭千載江山園故國
幾番風雨入空城鳳凰飛去梧桐老燕子歸來楊柳青
白面書生空弔古日陪驄馬繡衣行

和馬昂夫登樓有感

倚遍闌干憶往年南朝民物已蕭然空遺故國山如畫
依舊長江浪拍天市井笙歌今漸少御街燈火夜相連
青青門外秦淮柳幾度飛花送客船

和馬昂夫賞心亭懷古

景陽宮井綠蕪深空有楊花暗御林一自朝雲歸市裏
幾回明月到樓心陳臺露冷蛩聲苦楚水波寒雁影沈
白髮詞臣多感慨長歌對酒向誰斟

次王本中燈夕觀梅

翠禽偷夢出南園綽約冰姿傍綠尊冰鏡玉釵浮翠影
風簾銀燭照妝痕粉香微潤無人見素質多寒藉酒溫
不似海棠春睡去西樓月落已黃昏

三益堂芙蓉

斑簾十二捲輕碧秋水芙蓉隔畫闌繡扇搖風霞透影
錦袍弄月夜生寒湘魂翠袖留江浦仙掌紅雲濕露盤
只恐淮南霜信早絳紗籠燭夜深看

再遊崇禧寺

野人再到城南寺臨水芙蓉次第開新酒瓦盆青映竹
舊題石壁綠封苔夕陽半嶺牛羊下秋色滿天鴻雁來
獨有新亭天地濶不須揮淚灑蒿萊

遊清溪道院

舊遊淮水東邊月高照昇龍道士家丹竈火光穿樹木
石壇幡影走龍蛇鰕鬚卷夜收雲氣仙掌擎秋瀉露華
天外松風吹鶴夢珊珊珂珮隔青霞

和張仲舉清溪夜行

溪上人家溪樹青溪行野客思冥冥月光蕩水遊魚出
屐齒穿沙宿雁醒蔓草古陵神道沒楓林夜火鬼祠靈
後庭遺曲依然在商女能歌不忍聽

送新上人笑隱住龍翔寺

江南隱者人不識一日聲名動九重地濕厭看天竺雨
月明來聽景陽鐘衲衣香暖留春麝石鉢雲寒卧夜龍
何日相從陪杖屨秋風江上採芙蓉

九日登石頭城

九日吟鞭聚石頭翠微高處倚晴秋西風不定雁初度
落木無邊江自流兩眼欲窮天地觀一杯深護古今愁
烏臺賓主黃華宴未必龍山是勝遊

偕庶公亮遊鍾山

十里松風吹酒醒馬頭雲氣碧
峻嶒空山落葉時聞雨
古塔疎林夜見燈勝地難逢今日會
舊遊却記向年曾
使君五老峰前去應有新詩寄病僧

送王真人北上代劉宗師

玉珮丁東下界聞天風吹動碧霞裙
劉郎跨鶴遊三島
王子吹笙到五雲洞府夜光傳玉印
石壇月黑禮茅君
若逢天上吳夫子應問丹砂煉幾分

昇龍觀夜燒香印上有呂洞賓老樹精

蘭風吹動呂仙影老樹槎牙吐暮秋夜靜藥爐丹火現
月明神劍夜光浮已知浩氣無窮盡不到心灰未肯休
鐵笛一聲吹雪散碧雲飛過岳陽樓

寄中臺王本中

王郎楚楚金閨彥五鳳樓前看鬪雞花外漏傳銀箭午
日邊班退紫宮西吟詩月白傾瑤露歸馬春紅踏錦泥
應念栖遲江海客破窗燈火雨淒淒

送僉事王君實之淮東

使君臘月揚州去東閣梅開雪亞枝淮上有官皆避馬
竹西無處不題詩春風楊柳平山路夜月瓊花后土祠
從此公餘多勝覽好傳佳句遠人知

送劉照磨之桂林

一官未厭馬蹄遙要使南荒識鳳毛幕府紅蓮開白晝
轅門碧草映青袍牙旗曉濕蠻煙重羽箭宵鳴嶺月高
努力平徭當第一剖符懸印賜勲勞

層樓晚眺

廣寒世界夜迢迢
醉拍闌干酒易消
河漢入樓天不夜
江風吹月海初潮
光搖翠幕金蓮炬
夢斷涼雲碧玉簫
休唱當時後庭曲
六朝宮殿草蕭蕭

送約上人歸宜興湖洑寺

雲水上人歸興忙
梭鞋蒲扇葛衣涼
過湖僦得鄉船便
入寺行穿茶樹香
曉趁鐘聲持木鉢
夜隨燈影認禪牀
定回却憶潛龍地
曾住西廊第幾房

憶觀駕春蒐

并序

天曆元年京口錄事參軍某以事留京觀駕春蒐
盛事也得詩一聯聊委之其年三月還京歲暮卧
病寒食擁爐追思前聯足成二律時天曆二年三
月也

簫韶風細入清虛日暖旌旗卷復舒雙鳳曉開金羽箭
六龍春駕紫雲車將軍斜插黃金虎丞相低垂錦帶魚
遙想宮盤珠露滑江南渴殺病相如

日奏雲間紫鳳簫春隨天上赭黃袍仗前虎將千斤斧

架上鷹兒五色絛獵士開弓黃犬疾宮官擊鼓紫駝高
侍遊亦有中書令七寶雕盤看綠毛

登鎮陽龍興寺閣觀銅鑄觀音像

眼中樓觀見應稀鐵鳳棲簷勢欲飛天半寶花飄閣道
月中桂子落僧衣高擎玉露仙人掌上礙銀河織女機
全趙堂堂遺物在山川良是昔人非

臺山懷古

越王故國四圍山雲氣猶屯虎豹關銅獸暗隨秋露泣

海鴉多背夕陽還一時人物風塵外千古英雄草莽間
日暮鷓鴣啼更急荒臺叢竹雨斑斑

題揚州驛

銀燭高烧照不眠呼兒飲馬吸清泉寒砧萬戶月如水
塞雁一聲霜滿天金縷歎歌來枕上銀瓶索酒到亭前
明朝走馬燕山道贏得紅樓說少年

四時宮詞

御溝漲暖綠潺潺風細時聞響珮環芳草宮門金鎖閉

柳花簾幕玉鉤閒。夢回繡枕聽黃鳥。困倚雕闌看白鵲。
落盡海棠天。不管修眉慙恨鎖春山。

日長縫就縷金衣。高柳風輕拂翠眉。閒倚小樓題畫扇。
但聞別院笑彈棋。主家恩愛有時盡。賤妾心情無限思。
又向晚涼新浴罷。琵琶自撥斷腸詞。

宮溝水淺不通潮。涼露瑤街濕翠翹。天晚不聞青玉珮。
月明偷弄紫雲簫。正宮夜半羊車過。別院秋深鶴駕遙。
却把閒情望牛女。銀河烏鵲早成橋。

悄悄深宮不見人
倚門惟有石麒麟
芙蓉帳冷愁長夜
翡翠簾垂隔小春
天遠難通青鳥信
瓦寒欲動白龍鱗
夜深怕有羊車到
自起籠燈照雪塵

酌桂芳庭

桂枝秋露洗銀瓶
醉裏題詩記答曾
接竹池通丹井水
隔松人誦蕊珠經
茶香石鼎燒紅葉
酒渴冰盤破紫菱
一帶鍾山青未了
碧窗雲氣護龍亭

章貢道中

多情明月落船旁，萬里孤城望帝鄉。
客裏已無金馬詔，篋中猶有賜衣香。
嶺南地濕家山暮，天上風微殿閣涼。
憶得當年曾夜直，玉龍銀箭漏聲長。

吉安道中

西風吹雁不成行，萬里孤舟下夕陽。
渡峽冷風欹客帽，卷簾涼月落琴牀。
江湖水滿鷗偏樂，花柳春深馬正忙。
又看青原山色好，故鄉歸計喜相將。

宿青陽雲松臺

縣門遙接九華山日日天開圖畫看雲氣曉連銅篆濕
翠光晴鎖硯池寒人間官府紅塵馬天上神仙白玉盤
高卧雲松定何日仰扳北斗夜闌干

夢登高山得詩

杖藜踏破碧崔嵬夢裏清遊樂未回萬壑泉聲松外去
數行秋色雁邊來文章小杜人何在風雨重陽菊自開
山路雲深行客倦竹雞飛上獨春臺

復題平望驛

秋雨黃花下九天又隨歸雁過吳川
荒邨有火夜投宿
野渡無人秋放船中酒不堪連夜飲
思家無奈五更前
歸來却被青山笑萬丈黃塵兩鬢煙

石夫人

危危獨立向江濱四畔無人水作鄰
綠髮嬾梳千載髻
朱顏不改萬年春雪為膩粉憑風傳
霞作臙脂仗日勻
莫道臉前無寶鏡一輪明月照夫人

送管十班監憲廣西宣慰使

持節曾臨江漢上分符又入瘴雲間花驄一日行千里
金虎三珠照百蠻露帳旌旗天接水星營鼓角月連山
九重應有平徭詔日聽將軍奏凱還

題半山寺

今日偶成林壑趣清幽恨未得從容龍歸石洞半山雨
潮卷天風十里松春路泥深多滑馬晚樓霧重只聞鐘
荆公舊隱知何處回首蒼茫第幾重

遊金山

約客同遊買渡船閒觀古剎禮金山中好景無多地
天下知名第一泉佛閣齊雲浮海嶼客帆過寺帶風煙
當年郭璞因何事來葬江心作浪傳

次韻王侍郎遊湖

綺席新涼舞袖偏賞心輸與使君專螺杯注酒搖紅浪
綵扇題詩染綠煙一鏡湖光開曉日萬家花氣漲晴天
湧金門外春如海畫舫笙歌步步仙

郭囉洛納新

題羅小川青山白雲圖為四明倪仲權賦

山上晴雲似白衣溪頭竹樹綠陰圍野橋日落行人倦
茅屋春深燕子飛漉酒屢招鄰舍飲放歌還趁釣船歸
客窗看畫空愁絕便欲移家入翠微

送王季境還淮東幕

兩京驕馬越羅衣公子風流世絕稀冠蓋一門誇萬石
江山千古憶元暉新茶夜試中泠水美酒春分采石磯
幕府羣公多勝賞一枝芍藥待君歸

元圃為上清周道士賦

玄圃雲深路渺茫
神仙飛珮隔扶桑
碧桃開盡春溪漲
白鶴歸來海月涼
巖溜涓涓鳴石竇
松花細細落琴牀
明年我亦山中去
賸采瑤芝滿藥囊

題張萱美人織錦圖為慈溪蔡元起賦

織錦秦川窈窕娘
新翻花樣學官坊
窗虛轉軸鶯聲滑
腕倦停梭粉汗香
雙鳳迴翔金縷細
五雲飛動綵絲長
明年夫婿封侯日
裁作宮袍遠寄將

春日次王元章韻

翠幃金車錦駱駝芙蓉繡褥載雙蛾
雨晴輦路塵沙少風起春城柳絮多
秉燭且留清夜飲倚闌猶聽隔牆歌
山翁此日心如夢斷江南雨一蓑

送葛子熙之湖廣校書

高槐疎雨作新涼猶記讎書白玉堂
銀燭夜分供細字宮壺曉賜出明光
盤堆苜蓿青羶冷衣染檀花束帶長
宣室若蒙天子問定知賈誼在沅湘

南山木落氣蕭蕭千里歸心折大刀雙櫓驚鳴秋水濶
三闕虎踞朔雲高客窗久念衣裘薄史館頻煩筆札勞
有約相逢明月夜扁舟載酒楚江皋

送諳達布哈萬戶湖廣赴鎮

三品新除萬戶侯紅旗照海出皇州腰間寶帶懸金虎
馬上春衫繡玉蚪水落張帆遊夢澤月明撾鼓過南樓
書生最善從軍樂何日轅門借箸籌

送吳月舟之湖州教授

天涯作客少清歡
剪燭裁詩強自寬
江樹暮雲離思遠
杏花春雨客牕寒
烏程美酒臨池酌
菴畫青山拄笏看
博士從來官獨冷
團團朝日照空盤

送劉將軍姑蘇之官

桃花駿馬綠羅襦
意氣如雲出帝都
暫解弓刀辭細柳
又懷印綬入姑蘇
當筵翠杓春醅蟻
列饌銀盤曉鱸
五月垂虹橋下路
畫船吹笛卧冰壺

送李中父典簿高麗頒厯

候儀太史立金鑾寶厯新成錦作槃天子垂衣朝萬國
中郎仗節使三韓鮫人夜織機聲近龍女晨遊珮影寒
獨捧絲綸渡遙海遠人愈覺聖恩寬

送劉碧溪之遼陽國王府文學

松亭嶺上雪霏霏五月行人尚袂衣日暮草根黃鼠出
雨晴沙際白翎飛名王禮幣來青海弟子絃歌近絳帏
大乙終憐劉向苦高車駟馬遲君歸

次段吉甫助教春日懷江南韻

花底開樽待月圓
羅衫半浥酒痕鮮
一年湖上春如夢
二月江南水似天
修禊每懷王逸少
聽歌却憶李龜年
卜鄰擬住吳山下
楊柳橋邊樣畫船

聞契尚書除浙省參政因寄樂仲本

一春多病思紛紛
隔屋幽禽夢裏聞
夜雨來時愁作客
落花多處正思君
尚書曳履登黃閣
處士彈冠卧白雲
賓主東南高會日
西湖風月定平分

實喇鄂爾多觀詐馬宴奉次貢泰甫授經先生

韻

詔下天門御墨題龍岡開宴百官齊路通禁籞聯文石
幔隔香塵鎮水犀象輦時從黃道出龍駒牽向赤墀嘶
繡衣珠帽佳公子千騎揚鑣過柳堤

珊瑚小帶佩豪曹壓轡鈴鐺雉尾高宮女侍筵歌芍藥
內官當殿出蒲萄柏梁競喜詩先捷羽獵爭傳賦最豪
一曲霓裳纔舞罷天香浮動翠雲袍

繡綺新裁雲母帳玉鈎齊上水晶簾鳳笙屢聽伶官奏

馬湏頻煩太僕添風動香煙飄合殿日扶花影上雕檐
金盤禁臠纔供膳堦下傳呼索井鹽

上林宮闕淨朝暉宿雨清塵暑氣微玉斧照廊紅日近
霓旌夾仗彩霞飛錦翎山雉攢遊騎金翅雲鵬織賜衣
宴罷天堦呼秉燭千官爭送翠華歸

樂河源似九龍池清暑年年六月時孔雀御屏金纂纂
梭欄別殿日熙熙青藜獨喜頒劉向黃閣重開拜子儀
千載風雲新際會願將金石播聲詩

歸途至金閤山懷虞侍講

羸驂八月過雲州
殿閣嵯峨疊嶂稠
空谷無人黃葉落
白雲如雪滿溪流
獨登金閤尋仙迹
還憶青城覓舊遊
日落長歌下山去
西風十里異香浮

秋夜有懷明州張子淵

雲表銅盤挹露華
高城涼冷咽清笳
弓刀夜月三千騎
燈火秋風十萬家
夢斷佳人彈錦瑟
酒醒童子吸冰花
起看歸路銀河近
願借張騫八月槎

贈沈元方歸吳興兼簡韓與玉

春城飛絮曉紛紛
金水河邊更送君
闕下馬卿憐作客
江南沈約最能文
天園斷岼歸帆遠
水落黃河野樹分
寄謝平生韓處士
別來應是賦停雲

送林庭立歸四明兼簡張子端兄弟

徵君歸隱海東頭
三月開帆江水流
坐看浮雲知世態
長歌落日送離愁
平生不負楊臨賀
此去端如馬少游
若見山中陶宰相
白雲千里思悠悠

贈謝尚禮歸盱江

畫船綠樹映滄波
撾鼓開船發御河
作惡情懷惟仗酒
落花時節況聞歌
潮來別浦江聲急
雲起南山雨氣多
落日都門一分袂
相思千里奈君何

使歸

白頭萬里喜來歸
小院深深過客稀
睡起無題開錦橐
春來多病怯羅衣
流鶯亂蹴殘紅溜
乳燕連穿散絮飛
莫道山房渾寂寞
卧聽小女學鳴機

王沂

廣陵岳宮登瀛橋為王高士賦

登瀛橋上登瀛客曾向瀛州采玉芝
鸞鶴雲間朝斗夜魚龍波靜步虛時
杯浮翡翠蘭苔影袖拂珊瑚鐵網枝
安得琴高騎赤鯉傳書海上問安期

寄曹子貞

黃金臺下舊騎驢曾記含香侍玉除
禹穴有人尋李白甘泉無賦似相如
潛鱗解舞湘靈瑟病鶴難傳閬苑書

遙想論思翔集地紫薇花點綠苔疎

送馬伯庸

社燕秋鴻十二春相逢疑是爛柯人公車未索長安米
野服曾沾輦路塵日麗天門嚴虎柝波搖宮瓦動龍鱗
懸知進講金華殿五色雲中拱北辰

陳旅

次韻本元上人相別

君向雷峰塔邊住詩成總在倚闌時蘇堤殘柳凝煙小

葛塢閒雲度水遲
衲子定回花遶屋
故人別後草生墀
相知不似相忘好
誰說莊周與惠施

次韻韓伯清訪句曲外史

苔雲歸來俗事稀
偶然攜客款郊扉
渚霞落盃松花熟
溪雨登舂石菌肥
薄宦不閒慙折簡
高人相見定披衣
平生願究中黃祕
安得茅君指化機

送李盤中真人代祀江南三名山

弱水回風不受帆
三山祇在大江南
使槎真帶秋星濕

仙掌遙分夕露甘
琮玉禮神通
景氣寶香隨地結
晴嵐
泰壇建論昭靈貺
老我猶能效史談

次薩天錫韻

燕南幕府文章客
澤國相逢讌集齊
酒後鱸魚霜作鱠
花邊驄馬月為題
千篇傑句諧金奏
一曲離歌聽玉啼
別後寒雲滿江海
雁書何處落青泥

題韓伯清所藏郭天錫畫

往年京口郭天錫
學得房山高使君
畫省歸來人事少

煙岑閒向客樓分
林扃暝落青楓雨
水郭寒生白蜃雲
歲晚懷人增感慨
晴窗展玩到斜曛

林外詩為夏生作

幽人遯世入林間
林外高風況可攀
仲御偶然遊洛水
黃公豈必在商山
春深溪雨流花出
日暮松雲載鶴還
拓落塵中嗟我老
歸與無地可投閒

題城市山林圖

城市山林路不分
畫橋騎馬是徵君
樹頭粉堞連青嶂

陌上紅塵亂白雲
水巷柳深鶯喚友
陽坡草暖鹿為羣
滑稽誰似東方朔
更向金門避世氛

送朱蓮峰著書得官南歸

城東有客過吾廬
揮麈高談逸氣舒
金馬豈無方朔伎
石渠今取夏侯書
沙堤老屋秋楓合
海浦歸帆暮雨疎
我亦草玄官拓落
江南無地可耕鋤

和維揚友人

揚子江頭水拍天
人家種柳住江邊
吳娃蕩槳潮生浦

楚客吹簫月滿船錦纜憶曾遊此地瓊花開不似當年
竹西池館多紅藥日夜題詩舞袖前

院中聞大駕先還再和伯修韻

甘泉宴罷雁聲寒桂樹吹香出寶闌翠輦遙臨秋海白
霓旌高拂曙星殘瓊城家拜銀麝賜棘院人爭繡虎看
堪笑子雲能作賦獨騎羸馬後奚官

題熊雲巢竹石圖

道人種竹三千箇定有新巢宿鳳凰石上幽香飄露粉

簷間新綠裊風簷天壇月白瑤笙近水國春寒翠袖長
見說故人東海上釣竿日暮倚扶桑

送李彥方副使入閩

海邦赤子窮無告詔遣儒臣著繡衣天祿閣中書灝灝
越王山下馬駢駢魚風滿港榕陰合燕雨侵簾荔子肥
一道澄清俄頃事使星還向紫垣飛

送趙子期使交趾

曉日承恩紫殿深都門祖道馬駸駸上書不奏唐蒙策

歸橐寧將陸賈金
露入珠盤鮫室白
苔生銅柱象嵯陰
為君臨水歌黃鵠
天北天南萬里心

送楊田甫巡檢之官潮陽

與君相識三十載
解后都門白髮生
南海珠明飛別鶴
上林花暖囀新鶯
蜚丁浦口迎官艦
瘴母雲頭避使旌
自是昇平遊宦樂
不教瀧吏惱吟情

題雲林晚晴圖

故人別後江波綠
神女歸來峽雨乾
海上日花春冉冉

天邊雲樹曉團團滿汀芳草留孤艇度石幽泉咽下灘
最愛東頭小亭子聽鶯何日一憑欄

送鄧文質

薊門風雪貂裘敝寒橐能多季子金萬里壯遊孤硯在
十年歸夢亂山深春來草色生南浦日暖鶯聲滿上林
空濶庭前看流水浮榮何足累初心

送宜黃劉縣尹

寶劍裝成即遠遊郎心何似妾心憂茜裙香濕芙蓉雨

翠袖涼生薜荔秋江北長愁寧滯酒周南多病莫登樓
海門潮落江瑤美能把千金買越舟

送王君實御史西臺

除書朝下五雲間閣吏新移玉筍班
恰恰黃鶯鳴苑樹遲遲驄馬去鄉關
濯纓長樂宮前水拄笏終南雨後山
不羨相如文似錦到官三日詠詩還

次韻友人京華即事

阿閣稜層羃曉陰扶桑涼影映疎林
燕山北擁天都大

瀛海中涵月殿深仙女乘鸞吹紫玉才人騎馬勒黃金
壯遊偶結高陽客無復臨風動越吟

落拓練衣閨苑閒江南遊子醉長安禁溝春過留香雨
宮樹風來響翠澗五衛旌旗秋殿裏千官劔佩曉雲端
何人只獻河清頌宜向明時漉寸丹

趙期頤

應教恭和太子世子韻

三山瀛海雪濤深稅駕塵寰一降臨鳴鶴在陰元有子

閒雲出岫本無心國中調燮多餘暇筆底經綸自好音
昨日離筵相接近情懷戀戀酒頻斟

周子善

石鐘山

枯槎突兀天風外翠霧氤氲水石間欄吏不容今日去
老夫贏得片時閒煙波艇子東西客霜岬鐘聲上下山
邂逅真成觀物化白鷗無數舞江灣

段天祐

送妓入道

歌舞當年第一流
洗妝今日別青樓
便從南嶽夫人去
肯為蘇州刺史留
琳館月明簫鳳下
瑣窗花老鏡鸞收
却憐愁絕潯陽婦
嫁得商人已白頭

吳浩

二月八日駕幸柳林

早步廊街曙色紅
聖時蒐乘理車攻
高駝載寶璫
綉麗馴象騰車翡翠重
夾道香煙春郁郁
接天御氣曉溶溶

亦知奏賦長楊近五采光華起六龍

燈花

雙心燦燦夜深紅生處元非造化工弄影自留孤艷在
得名偶與衆芳同乍開亦自矜春色欲謝還如恨曉風
蝴蝶定知終莫見祇應飛入夢魂中

泊瓜洲渡

淮煙漠漠夕陽收楚樹昏昏翳客舟風度鐘聲來北固
帆將燈影過揚州雲消碧海天無際波撼金山地欲浮

獨恨壯遊非昔日滿江風露夜如秋

王瓚

送聶梅軒赴潮州錄事

籩豆司存舊政嘉一官三載客京華無人再問支機石
有客先乘泛海槎照水山雞晴吐綬潛江天蜮夜含沙
改成何處傾椰酒吟對東風木槿花

傅若金

韓淮陰廟

淮陰萬古英雄恨楚樹荒荒夕照殘水夾廢城春草合
雲昏遺廟野花寒封齊安用真王印興漢空餘大將壇
高帝旌旗俱寂寞斷碑零落後人看

會通河伯祠晚眺

水神祠下晚維舟閒倚穹碑誦遠遊西日射雲明獸几
北風吹土集貂裘漳川近繞幽燕出汶水分無濟漂流
過客豈知疏鑿苦當時荷鍤幾人愁

登樓

樓上秋風吹畫屏樓前秋思滿都亭金河水去涓涓碧
瓊島雲來冉冉青近見蕭何成第宅舊聞汲黯在朝廷
明時進用多英傑迂腐深慙守一經

題張齊公祠

將軍結髮事先朝百戰山河血未銷總說霽雲多慷慨
無聞去病最嫖姚煙塵劒戟迷秋峒風雨旌旗落暮潮
自古英雄須廟食精靈何待楚詞招

雪中次元茂才

北闕今晨雪滿墀腐儒憂國畏人知月寒弱水迷三島
雲暗蒼梧失九疑瑞木細飄天上葉梅花潛發嶺南枝
山陰那得乘佳興起繞前軒自詠詩

送唐子華嘉興照磨

子華名棣吳興人善畫

聞君秋思滿南湖行旅今晨發帝都幕府初乘從事馬
江城還憶步兵鱸樹浮白日山侵越潮蹴青天海入吳
閒暇憑高動詩興須成一醉掃新圖

次韻元日朝賀

宮漏催朝燭影斜
千官鳴玉動晨鴉
交龍擁日鳴丹扆
飛鳳隨雲繞畫車
宴罷戴花經苑路
詩成傳草到山家
小儒未得隨冠冕
遙聽鈞天隔彩霞

磁州

曉出邯鄲露滿空
武安紅樹起西風
鼓山路向雲間落
滏水船從地底通
秋草尚疑曹氏冢
野花無復趙王宮
古來富貴皆黃土
莫笑行人憶夢中

汴梁

汴上荒城繞故宮山頭危石墮秋風
夸門市起聞嘶馬
梁苑樵歸見斷鴻
鬪草尚餘殘後碧
進花無復盛時紅
欲登高處腸先斷
滿目閒愁賦未工

上蔡

上蔡城頭黃葉多
聞雞看劍起長歌
徒憐丞相東門犬
猶憶將軍半夜鶩
樹底衣裳沾霧雨
馬前燈火動星河
涼風滿路吹行鐸
那似金門聽玉珂

却侍姬

連夕蒙遣侍姬皆即辭却我輩
非陶穀輩人不宜以此見

夜宿安南天使館主人供帳爛相輝寶香燼起風過席
銀燭花偏月照幃王母謾勞青鳥至文簫先放綵鸞歸
書生自是心如鐵莫遣行人亂濕衣

崇仁峽

扁舟夜宿魚龍窟久客長懷虎豹關歲暮思家成白髮
天涯持酒得青山張騫浪喜葡萄入馬援終嫌薏苡還
天子祇今多遣使將軍何日遂平蠻

桂林喜呂仲實僉憲至

正月交州奉使歸忽聞鞍馬發王畿嶺南瘴雨開銅柱
江上春雲逐繡衣草熟蟲蛇常並出樹深豺虎近皆肥
明朝按節勞咨訪邊郡於今未解圍

洞庭連天樓

崔嵬古廟壓危沙縹緲飛樓入斷霞南極千峰迷楚越
西江衆水混渝巴鮫人夜出風低草龍女春還雨濕花
北倚闌干望京國故人何處認星槎

鳳凰臺

太白題詩鳳遊處古臺蕭索換流年風流偶出齊梁後
文藻猶含晉宋前淮水夜明滄海月石城春暗秣陵煙
古來宮殿俱無迹風雨憑高獨黯然

送趙仲禮御史兼呈王侍御

建業城頭鳥亂啼知君感古夜聞雞荆揚貢賦元趨魯
晉宋文章漸入齊草疏或依松影坐哦詩應就竹陰題
書來宜憶京華客日日長衢聽馬嘶

賜車南粵初歸日駐節秦淮欲暮天嘯詠偶經梁舊寺

登臨猶憶晉諸賢
謝安別墅蟲鳴裏
王導新臺鳥去前
多謝府中賢侍御
別時能作送行篇

次韻曾士敏寄其子經筵典書元傑

天涯遊子日思歸
行李何時發帝畿
司馬未論金換賦
買臣終欲錦為衣
紫駟車動秋塵合
黃犬書回暮雪飛
我亦鄉心滿江浦
千山煙樹正霏微

送孫伯起掾嶺南

北去頻聞霜雪多
驛程猶是過灤河
悲風絕幕迴蒼隼

落日穹廬卧紫駝行色且謀寒夜飲別懷休憶醉時歌
都門已隔千行柳况復鄉山老薜蘿

寄鄂季弟幼霖并寄仲弟次舟

弟兄終歲長羈旅南北何時却定居春至每瞻衡嶽雁
秋來猶食武昌魚每愁年長須經事即恐家貧廢讀書
仲氏應門獨辛苦平安消息近何如

和危山臞寄弟

故園兄弟總相思久客懷歸屢失期司馬却慙題柱早

東方翻恨上書遲都門樹暗愁中見鄉國花繁別後知
昨日南橋訪春水望雲回首獨多時

天涯骨肉久離居京國風塵鬢欲疎娛日強傾開歲酒
憶家頻看隔年書路通一水花開裏門掩千峰木秀初
便擬邀君此時發歸舟同食楚江魚

漢江銜山圖

西來一水浮襄漢上有羣峰截杳冥層構迴臨沙渚白
亂帆斜映石林青地雄縹緲連蟠冢天險微茫帶洞庭

咫尺風煙應萬里無因一上峴山亭

送姚子微

雙闕除書下玉階三湘回櫂拂珠厓天垂銅柱南低海
地入金陵北近淮江國雁來秋肅肅驛樓雞動曉咭咭
大家定有東征賦鮭菜隨船慰老懷

和余太守對雪見懷

江雪寒連驛樹遙鶴裘清坐聽蕭蕭中天月避光芒出
南國雲含瘴癘消因憶石田春種玉乍疑銀漢夕通橋

使君辛苦迎驄馬也念幽居客閒寥

送張秀才北上

身逐征帆赴海涯道逢行李問京華
涓人解致燕王馬卜使工占蜀客槎
蓋早朝星在樹管絃春宴月當花
盛時繁麗應如昨把酒聞鶯肯憶家

岳陽中秋值安南貢使因懷舊遊

洞庭秋氣滿龍堆為客偏驚節序催
鐵笛乍聞雲外過瓊樓應傍月中開
越裳重譯三年至溟海浮槎八月來

忽憶舊遊今萬里天涯長見雁飛回

王氏相師山莊

相師之山雲杳冥千崕萬壑倚空青上方雷雨藏天井
南極風煙落洞庭溪客去迷花藹藹野人居愛竹泠泠
何時遂買登山屐乘興還來叩石扃

高明樓

江上孤城映水回市中層構出塵開衡廬樹入青天盡
章貢波翻白日來每日陳登門有客最傳王粲賦多才

闌干百尺應能借乘興誰同月下杯

周尚志同歸寓所適寺門已閉會宿張伯龍宅
清秋為客依僧寺落日逢君過客窗並坐總看人似玉
臨觴翻畏酒如江曲終別院歸銀燭鐘罷迴廊閉石幢
已去却還仍不惡論詩未覺寸心降

題栖碧山為塗龔舜咨賦

山人愛山如李白幽棲還在碧雲深松杉繞屋清宵響
雷雨懸崖白晝陰石上每同仙客坐花間猶恐世人尋

京華日日多塵土終擬投簪話夙心

王氏山莊

茅堂間在斷崖居耕鑿真疑與世疎
黃石洞依秋樹冷子房祠映古苔
虛山人自述潛夫論吏部空留處士廬
見說田間多野興每慙為客負犁鋤

張惟敏

送傅與礪廣州教授

早年文采動公卿此日承恩出鳳城
萬里舟行休憚遠

故鄉親老得歸榮路經梅嶺香雲濕潮落珠厓瘴海清
綸閣日長思校理暫將餘力訓諸生

黃清老

興聖殿進史

瑤編初進侍明光日麗龍池晝刻長堤柳染成春水色
宮花并入御爐香金壺灑露層堦滑玉盃分冰廣殿涼
矇眊自知天意喜鳳笙新奏五雲章

貢闈偶成呈同院諸公

射宮園棘斷經過閒却秋聲太液波風定碧簾聞禁漏
夜殘銀燭見星河仙人共對青藜杖詞客孤眠白玉坡
弱水蓬萊三萬里不知何處月明多

雪夜直宿玉堂

琪樹花生禁漏遲金莖月色近書闌白雲入水春無迹
銀漢橫空夜有輝竹靜似聞蒼玉珮松寒欲傍綠荷衣
乾坤清氣蓬萊表獨對天風拂素微

寄劉宰鳳溪

玉署芸香課石經江湖無復舊詩名日移宮樹春懷友
花落天階曉聽鶯滄海料應流不盡白雲安得與同行
君行十八灘頭路為說相思萬里情

巧夕偶書

幾葉梧桐暮雨收綵棚尊俎候牽牛青鸞西去瑤池冷
烏鵲南飛碧水流屋角月明三尺竹河邊雲濕數星秋
天風掃退塵間夢一曲金徽獨倚樓

丁丑三月七日會同年於城南子期工部仲禮

省郎世文編修文遠照磨學升縣尹子威主事
克成祕書至能照磨子通編修凡十人

曾記城南尺五天重來攜手宴同年春風遠塞葡萄酒
明月佳人玳瑁筵苔上藥闌紅染露鶯啼柳迳碧生煙
瓊林十載多離別欲拂金徽思渺然

川鳬浴日金粼粼垂楊馬嘶三月春遊蜂舞蝶總愛客
飛絮落花時近人東風吹水入銀甕芳草為我鋪綠茵
更催朝露染魏紫舞袖一拂南山塵

張志道別都門

竹寺西軒共聽琴杏花猶記紫囊吟
溪山老我扁舟興風雨知君萬里心
滄海夜潮銀漢濕蓬萊春樹碧雲深
三年離別尊前話傾倒何時更似今

柳絮風

三月韶光天氣清游絲舒卷太無情
微飄簾幕當春盡亂撲亭臺似雪晴
醉臉欲吹新燕弱舞腰初軟落花輕
江頭點點行人淚相逐離歌灑客程

梧桐雨

曾將秋信報人知又與西風泣別離
病綠滴殘猶有淚題紅流去更無詩
舊巢鳳冷朝飛遠古井金寒曉汲遲
待得楚臺雲散後却憑琴調寄相思

天運不已歲時又春學已可乎作自勉詩呈李
教授諸公

東風一笑可人心旋瀝新醅對客斟
山色未勻春意淺梅花已老白雲深
半軒依竹閒聽雨千里懷人欲抱琴

試問樵溪隔年意碧波東注渺難尋

御選元詩卷四十八

謹案卷四十八第三頁後二行額森布哈舊作野
仙不花今改 二十頁前四行諳達布哈舊作
按攤不花今改 二十一頁後八行實喇鄂爾
多舊作失刺斡耳朶今改

謹案第二十頁前三行有約相逢明月夜刊本夜
後據金臺集改

第二十三頁前四行日落長歌下山去刊本落訛
短據金臺集改



總校官庶吉士臣侍朝

校對官檢討臣蕭九成

謄錄監生臣朱文佐

欽定四庫全書薈要

集部

御選元詩卷四十九



欽定四庫全書薈要卷一萬八千四百六十一

集部

御選元詩卷四十九

七言律詩八

王逢吉

柳湖春曉

柳湖湖在宛丘西湖水溶溶浪拍堤畫舫載春人尚醉
青帘沽酒馬頻嘶雜花隱映山光薄初日依稀樹色低
想像蘇公行樂處讀書亭畔寫新題

烏裕倫宅

遊山谷寺

春風重到野人原
修竹桃花尚儼然
高塔已空多劫夢
清溪猶說昔時禪
鶴知避席歸華表
龍愛聽經出石泉
寄與宿雲莫輕去
巖前草樹綠無邊

題西湖亭子寄徐復初檢校

芙蓉花開一萬頃
錢塘最好是湖邊
曉風得酒更留月
春水到門還放船
笙引鳳凰天上曲
賦裁鸚鵡座中賢

令人却憶徐公子深閣焚香日晏眠

多爾濟

水簾泉

山泉當戶若垂冰一派源泉自古今
澗下風吹銀線溜巖前月落玉鉤沈
寒生禪席松扉濕冷浸仙居歲月深
隔斷紅塵飛不到水晶簾作老龍吟

李綱

濟州西湖

渺渺澄湖望不窮
畫船曾駐夕陽中
千峰倒映嶙峋碧
一水平鋪潋滟紅
鴉背浮金歸古戍
雁行如字寫晴空
玉簫吹徹遊人醉
十里荷香送晚風

實默已顏

石鼓書院

雲開衡嶽放新晴
舊客今為萬里行
二水合流浮石鼓
一聲回雁落山城
朱陵不改千年迹
綠淨重登六載情
多謝歲寒三二友
殷勤握手笑相迎

胡杕

送人之九江

四野鐃歌起暮愁壯年激烈載書遊
九江月白琵琶夜五老天青菡萏秋
對酒豈無司馬在巢雲應共謫仙留
但逢勝地曾登眺多寫新詩寄白頭

陳鈞

題冲寂觀

琴聲邀我鶴壇遊瘦馬遙途得暫休
黃葉兩鞵山徑晚

白雲一枕石牀秋
丹泉月靜曾飛兔
怪樹年深欲化牛
忽憶波心長嘯客
凌波不假碧蓮舟

趙友蘭

道中作

華裾縹緲拂煙霞
十里旌旗客路賒
簾幙晚風初燕子
闌干春日又梨花
湖吞古甸三苗國
雲護荒村五柳家
千古功名一雞肋
故園無處不生涯

楊鑑

送聞上人遊廬山

三峽橋頭水落深
袈裟春日此登臨
浮雲不繫空中迹
流水偏清世外心
龍化喜蟠行處鉢
猿吟慣續坐時琴
香爐北接長江近
折葦行須度少林

題徐氏埜耕

寥寥箕穎邈千年
高士猶耕谷口田
春壠落花雙袖雨
野橋流水一犁煙
未交聘幣應難識
終卧茅廬亦自賢
芝草琅玕深幾尺
秋來移種白雲邊

凝翠樓

禪房高棟拂層霄
晴翠浮空孰可招
簾幙倒遮斜日出
香煙細逐亂雲飄
翻經高處千函盡
挂衲閒時萬慮消
獨倚闌干飛鳥外
一聲殘磬晚蕭蕭

寄東南園隱者

垂老無家祇一身
翛然短褐住南園
十年春色惟高枕
萬事浮雲祇閉門
曲徑水流通藥圃
隔溪花落似桃源
客來松下清風坐
除却煎茶更不言

送葛子熙遊吳

布帆相續下東吳，海戍霜清萬木疎。
兩袂朔風慈母線，一燈微雨故人書。
江天漠漠空聞雁，水雪陰陰獨贈魚。
菽水三牲誰盡樂，綈袍相問意何如？

岑安卿

重峰寺祈雨後簡李元善

塵尾高揮演大乘，火雲不散愈崢嶸。
謾同三島吟詩客，閒訪重峰醉酒僧。
翠竹陰移涼夢遠，碧蓮香散暮雲凝。

歸途未即天瓢注猶有長風解鬱蒸

周權

秋霽

梧雨聲乾爽籟生年華流水鬢星星
夜涵露氣漫漫白
秋入山光楚楚青欹樹帶蟬侵竹座
斷雲和雁落蘆汀
酒醒誰鼓松風操炷罷鑪薰洗耳聽

贈松崖道士

名山歷徧氣飄浮面帶風霜雪滿頭
碧澗寒通丹井曙

青松影落石壇秋
布袍洗藥香猶濕
砂釜藏茶火自留
笑問閑風何處是
追遊還許借青牛

西村

松聲翠氣薄吟衣
曲徑盤盤護槿籬
野碓春泉分澗急
山鐘送曙出雲遲
人家綠艾端陽節
天氣黃梅細雨時
刈麥稼秧農事足
西郊生意綠無涯

暮春

綠樹亭亭午蔭遲
倦遊情思不成詩
落花春晚客中酒

啼鳥日長人正棋盤篆香消空院寂鞦韆影閣畫闌欹
閒邊頗適觀魚興飛絮風萍約半池

張氏新居

小雨東風拂袂寒神仙華屋畫圖間茶香入座午煙歇
花影壓簾春晝閒翠竹白沙泉細細朱闌綠樹鳥關關
客來一笑推棋局坐占溪南十里山

秋日

石脈泉花蘸眼明竹根沙路舊經行雲歸天際山容澹

日落江頭雁影橫
梧葉庭除秋漸老
豆花籬落晚初晴
客行迢遞歸心遠
煙火蒼茫起暮程

次韻秋望

暮鴉歸處斷霞明
搔首風前萬里情
煙抹山光翠屏冷
水涵天影玉壺清
蟲鳴沙徑宵初永
雁落蘆汀月未生
何事數聲江上笛
吹將離恨滿孤城

次韻孟韶卿

知道龐公不出山
客來訪鶴借山看
海棠開盡雨方歇

燕子來遲春尚寒一塢煙霞隨步履
千峰紫翠入憑闌
掉頭巢父成何事謾向珊瑚拂釣竿

送友東歸

東華厭逐軟紅塵一見潘郎興味真
落落孤松霄壑志
昂昂野鶴水雲身關山客夢三更月
驛路梅花十里春
誰唱渭城朝雨曲坐中愁絕未歸人

九日

座上風流憶孟嘉憑高目斷楚天涯
百年歲月催蓬鬢

十載江湖負菊花
小雨釀寒侵白苧
西風憐醉避烏紗
閒攜柳栗吟歸路
流水殘雲帶晚鴉

晚春

輕車繁吹尚紛紜
袞袞香浮紫陌塵
杜宇青山三月暮
桃花流水一溪春
東風旗旆亭中酒
小雨闌干柳外人
何許數聲牛背笛
天涯芳草正如茵

多景樓

北固峰高翠色浮
斷崖千尺障東流
誰言宇宙無多景

今見江山第一流
雲氣曉含簷箔雨
濤聲夜落海門秋
客來莫問孫劉事
狼石苔深萬古愁

有懷

鼎食難登首蓓盤
麤鹽滋味笑儒酸
白雲望斷親闈遠
紅葉吟殘客路寒
心事蹉跎忙裏過
人情翻覆靜中看
何如歸去蒼山下
閒聽松風煮月團

晚春

花事匆匆彈指頃
人家寒食雨晴天
香浮夜月梨飄雪

綠染春風柳拂煙涉世百年真逆旅忘機萬事即安禪
獨憐顛顚江湖客猶記風流擢酒船

金焦兩山

海瞰紅處謁仙山不管剛風客棹寒一鑑寒光開玉匣
兩螺青黛落銀盤天低塔影攬雲聳地窄鐘聲度水寬
羨殺禪心如止水任教四面自波瀾

嬾菴講主得九江餅茶鄧同知分餉其半汲泉
試之因次韻

解組歸來萬事輕日長門巷澹無營團香小餅分僧供
折足寒鐺對客烹色卷空雲春雪湧影沈江月夜潮生
一甌洗却紅塵夢坐愛風前晚笛橫

應夢虎

梅魂

禹廟歸來骨已靈風林月落見儀形玉龍一曲香隨返
彩鳳三招夢未醒弔影西湖雲樹黑斂粧東閣土花青
莫誇賦客心如鐵楚些淒酸可忍聽

墨竹

為愛江頭碧玉林，生綃移入小齋深。
軒屏得此數竿足，淇澳從教千畝陰。
幸免雪霜侵直幹，不妨木石伴虛心。
蘇仙文老成寥落，安得高人為賞音。

雅勒呼

和韻王繼學題周冰壺四美人圖

唐宮題葉

彩毫將恨付霜紅，恨自絲絲水自東。
金屋有闌嚴虎豹，

玉書無路托鱗鴻
秋期暗度驚催織
春信潛通誤守宮
莫道銀河消息杳
明年錦樹又西風

崔徽寫真

舞鸞妝鏡拭鉛華
毫素無聲散彩霞
夜月影寒分桂魄
春冰暈薄映桃花
夢隨圖去憑青鳥
愁逐書來點墨鴉
未得離魂如倩女
衰容先到君家

洛神

鄴宮檐瓦似鴛鴦
飄蘭渚鳴鸞去國遙
謾說君王留寶枕

不聞仙子和瓊蕭驚鴻易沒青天月沈鯉難憑碧海潮
腸斷洛川東去水野煙汀草共蕭蕭

二喬

珊瑚交加玉樹重鴛鴦難偶雪難容共思漢事隨流水
各對吳儂感遠峰洛賦未成梁月墮胡笳已斷塞雲濃
人間流落渾相似猶勝淒涼泣暮蛩

送蘇伯修御史之南臺

天上詞臣負莫雙乘驄此日莅南邦梅花路近宜逢雪

桃葉波平好渡江
千里蒼生瞻繡斧
十州使者避旌幢
同袍知己如相問
已許閒身老北窗

酬江夏友人見寄

四海元龍眼界空
平生豪習竟誰雄
早知黔首成秦贅
悔學蛾眉入漢宮
曲水疏篁秋色裏
小山叢桂月明中
故人歲晚能招隱
便買扁舟向漢東

二月梅

去年呵筆賦寒梅
又見仙家二月開
不是東君留客醉

肯教神女逐春回
梨花院落為雲妒
柳絮池塘作雪猜
東閣如今清興減
羅浮誰與寄香來

送袁果山經歷之潮陽

潮陽贊府之官去
猶是薇垣白髮郎
天上故人懸夜榻
海邊候吏促春裝
翠綃卷雨蕉花老
火齊然雲荔子香
終日韓香對簾幙
祇愁簡牘破詩忙

留別克呼彥卿學士

十年帝里共鳴珂
別後悲歡事幾多
汗竹有編歸太史

雨花無迹染維摩
湘江夜雨生青草
淮海秋風起白波
明日扁舟又南去
天涯相望意如何

送劉縣尹赴山後白登縣任

使君出宰近龍沙
芳草淒迷是縣衙
五月山溪猶積雪
三春庭樹不開花
往時烽火通秦塞
今日絃歌屬漢家
聖代行將徵卓茂
莫嫌白髮負年華

送吳子高還江夏

庚申春余在江夏嘗賦詩送子高之沅
庚午子高復來會

于京師因求偶而

還復作此以餞

黃鶴磯頭惜袂分京華回首又離羣十年南北兩為客
萬里中間一見君訪舊眼前星落落驚新鬢底雪紛紛
歸時莫過臨邛令應有王孫識賦文

劉仙巖

削雲千丈倚蒼崖箭括通天一竅開草樹陰深藏洞府
煙霞縹緲護樓臺白雲已向空中去黃鶴時聞月下來
欲問仙翁借筇杖凌高長嘯望蓬萊

羅朋

唱名日與同年賦詩

龍燭輝煌五夜闌
花迎仙仗擁千官
臚音雷動蓬瀛曙
戟衛霜明殿陛寒
風定玉爐香影直
日高金榜墨痕乾
甲科不入微臣夢
三策深期子細看

柯九思

元日會朝大明宮

軒冕朝元湧翠埃
中天雞唱內門開
雲飄五鳳層樓矗
日繞羣龍法駕來
謁者引班聯寶帶
上公稱壽進金杯

撞鐘告罷宮花側人指儒冠錫宴回

題安僧元帥遠景亭

東河亭子憑高爽俯瞰平原繞茂林
滄海日生朱拱濕秦山雲起繡簾陰
夢回春渚鐘聲小目倦晴空雁影沈
誰似詩書老元帥清時于此寫丹心

送趙虛一還金陵書虞翰林詩後

詞臣通籍侍金閨天語從容問舊蹊
雲外山高龍虎踞人間松老鳳凰棲
翰林擬詔當紅藥道士疏封出紫泥

更賜金錢祠泰時
寥陽前殿麗璇題

送李教授之湖州

水精宮裏尋春處
天目山前看月時
隔岸園亭俱可愛
舊時風物未全衰
廣文遊宦詩如錦
博士淹留鬢欲絲
欲謝君恩無寸補
他年杜牧去應遲

李裕

過髮冠女仙廟

天上香雲擁碧鬟
山中大藥駐紅顏
千年仙去空塵土

半夜月明聞佩環芳草不知前度綠古苔渾似舊袍斑
自憐軒冕馳驅者目送浮雲不得閒

對酒感懷漫賦

半醉簪花出杏園玉驄嘶過五門前豈無綠酒酬佳興
坐對青山憶去年蛺蝶有情嫌我懶名花底事向誰憐
嬌娘莫惜羅裙浣看取腰肢醉後妍

送趙鵬舉之西臺掾

掾曹騎馬赴西臺迢遞關河幾日回秋草自隨人去遠

夕陽長共雁飛來亂雲荒驛迷秦樹落葉殘碑有漢苔
最憶年年寒食節華筵誰向曲江開

薛明道

挂席

挂席春風任我之鬢毛雖白氣猶奇欲將碧落開成路
遂取黃河瀉作詞槎到漢津須幾日桴乘滄海竟何時
鷺身本有高飛具也立汀洲有所思

王都中

登東山寺

古寺岑崕隱翠微
松陰行盡見朱扉
巖花識面遠迎笑
野鳥忘機近不飛
相國書堂今寂寂
山僧法座久巍巍
凭闌欲問當時事
白鷺無言立釣磯

題義魚亭

昌黎曾此賦義魚
披棘尋碑故郡圖
重築草亭存古意
雙浮畫舫做西湖
激輪為磨供官費
隔水分塘笑我愚
寄語後來賢太守
相承無似此庸迂

和彬卿江行即景

怪石奇峰疊削成
江行渾若泛仙瀛
崖松偃蹇蛇龍勢
瀧浪飛翻玉屑輕
山色入懷衣袂冷
溪光照影骨毛清
更闌放溜泊榔口
明月清風更有情

杜本

暮春遣懷

東風吹盡滿林花
底用無涯始有涯
飲量素慳難止酒
客懷雖惡少思家
已諳世味茶如薺
未信仙人棗似瓜

為愛綠陰春晝永出門轉覺換年華

秋興

兩峯高聳並秋霄雙澗分流送晚潮月冷誰家頻搗練
風清何處細吹簫七閩荔子丹砂顆五嶺梅花玉雪標
黃鵠不來空悵望自歌雅曲和漁樵

送李伯循

已聞盤谷最深幽便欲從君遂此遊春氣和柔朝採藥
秋風清徹夜行舟巖花冉冉難留客汀草纖纖獨倚樓

楊柳新條不堪折祇須買酒換離愁

送趙伯常歸揚州

往年初記抵京師正類機雲入洛時未說鰲頭分赤管
先傳馬首控青絲瓊樓舊醉家家酒金剎新題處處詩
此日揚州歸去路錦衣光采照城池

寄楊仲弘

老來自愛黃叔度少日真期魯仲連高卧獨無田二頃
曳裾誰有客三千蒼波渺渺浮鷗鷺白日翩翩換歲年

却憶江東楊少尹
劇談終夜不成眠

題周南翁悠然閣

大江之東彭蠡南
周家高閣與雲參
秋風猿狖啼青嶂
暮雨蛟龍起碧潭
遶屋千叢生杞菊
過簷百尺長榎楠
何時共此登臨樂
指點山川與縱談

廉州阻風

自因三宿致綢繆
豈為狂風滯客舟
鄉國十年思舊雨
河山千里記前遊
黃雲釀雪未將刈
綠霧籠霞橘漸收

離別不堪成悵望雁孤飛起白蘋洲

劉汶

寄贈華陽洞隱者

一日書成四海傳華陽始信有儒仙
神交弘景吹笙夜心在留侯辟穀年
重碧拈春瓢貯月硬黃臨帖研分泉
山中物色清無限便擬凌雲到洞天

胡寬

宋定遠赴京并東翰苑諸友

桃花浪暖鯉魚跳送別殷勤折柳條一角祥麟符漢武
千金駿馬出燕昭豐城劍氣干南斗長樂鐘聲和早朝
若到鑾坡煩寄語江南煙雨老漁樵

送方永叔往教渝州

詞采年來比賈終石渠東觀未能容今君乘驛西南去
我欲為雲上下從峽湧春濤飛霹靂天開晴嶂削芙蓉
江山險壯猶今昔遺恨難平有卧龍

陳復

宿州作

聞道符離睢上居
主人從諫擊球疎
遺風漫詫朱雞石
故事猶傳白兔書
民起廢橋聞渡虎
官開響泊為求魚
屯田好在斜陽外
一帶青山接北徐

韓性

若邪溪

一川暝色鎖煙蘿
瀟灑禪關偈獨過
簷蔔香中詩夢遠
芭蕉葉上雨聲多
九重闕下心猶戀
二十年前事總訛

畫舫蘭橈待明發若邪溪水夜增波

陽明洞

日日攜壺坐釣磯眼看門外軟紅飛已無遊騎尋芳事
却訪幽人入翠微石磴欲青春雨足酒罍初冷絮花稀
悠然自解登臨意十里香風一棹歸

陳深

曉望吳城有感

鳴鳴寒角動城頭吹起千年故國愁纔見專諸操匕首

旋聞西子載扁舟
霜寒古寺鐘聲早
月落南園樹影秋
一笑浮華易盈歇
白雲長在水長流

送劉梅溪遊句曲

華髮蕭蕭兩鬢秋
醉眠花竹舊風流
天心橋畔行將老
劉居吳地肺山中
隱去休半嶺白雲容
可玩一菴明月

尚空留
劉有故菴山中
西風趣赴方臺約
巖下遙看二老遊
句曲

有四平山亦名方臺劉故人呂江蟾號四平翁

次韻子封承之遊桃花塢

閭門行樂送韶華閒訪城陰野老家黃蝶得晴飛菜葉
翠禽隔浦啄桃花衡門倒屣臨官路古渡橫舟閣淺沙
亦有詩人時一到醉吟行盡夕陽斜

雪後遊石湖

衆峰戴雪玉崔嵬風定湖光鏡面開山色可堪西子笑
溪聲曾送粵兵來天寒野外搖孤艇日落浮圖對古臺
回首風塵翳城闕愁來誰伴倒清壘

湯梅山為道士歸吳還山賦一詩以餞

三年猶向孤山住應為梅花滯水濱
滄海鶴歸空有語荒城草長又逢春
芝田火暖丹砂熟松嶠花香白釀新
安得與君俱隱去煙蘆深處著閒身

舟行解后周西園示詩次韻

遊遨適興隨幽境笑語相逢忽並船
流急濺袍飛帶雨岸回迷草暗浮煙
樓高近水涵飛鳥樹密藏雲咽恨鶻
愁破已空尊酒綠醉吟同眺晚晴天

圖列圖

題董太初長江偉觀圖

往歲曾登北固樓遙看天際白雲浮
天分吳楚波濤潤山湧金焦樹木稠
落日放船過赤壁清秋騎鶴上揚州
于今高卧蓬窗底展卷令人憶舊遊

熊太古

送復上人遊吳

二月鍾陵花滿煙袈裟東上木蘭船
地浮彭蠡江聲轉山入姑蘇海氣連
千里從師應未晚五湖為客漫多年

遙知後夜相思處坐看中天好月圓

陳植

題禰氏杏林卷後

禰子洲前萬杏花一壺仙隱自成家
抄書簷下分香露洗藥溪邊蹋錦沙
布素屢煩卿相揖劍芒猶拂斗牛斜
曲江又廢明年會栽樹何由見綺霞

奉題丁氏竹堂并寄廷玉嚮仰之意

慈州二判經年別黃鶴山前見阿咸
聞築新堂臨水勝

刺裁修竹與雲參
午風窗戶清含雪
晴日琴書翠滴嵐
欲拉王猷時共造
幅巾揮麈縱清談

錢良佑

至順四年四月九日同王叔能柳道傳胡古愚

遊天平山次古愚韻

松門一徑度蕭森
門外澄淵得重臨
翠木斬新隨地長
白雲依舊在山深
泉分茗盞來巖隙
香起熏爐出殿陰
篆墨題名志崔石
忘形容我亞冠簪

察罕布哈

千佛崖

丹崖琢就玉桓楹何代人為佛寫生
賸喜可瞻還可仰
不惟堪畫又堪行
山頭樹色連雲碧
棧下江波徹底清
若使般輪來至此
儘教工巧莫能更

林墩

奉使過建陽懷四兄

游宦浮蹤水上萍
自憐添却鬢星星
星嶺南不見來鴻雁

原上徒看下鵲鴿蘭菊秋風誰共賞芭蕉夜雨獨愁聽
杖藜莫厭行途遠觸眼雲山盡畫屏

陳天錫

都下偶成

玉泉遠接禁溝流輦路春深碧草柔細柳望迷秦女館
清池學弄楚人舟尊前艷態初疑月雲裏新聲欲變秋
不道有人騎瘦馬夕陽春樹起高愁

別桐城諸老席上作

七人五百有餘歲高會尊前笑語譁逸興過時濃似酒
交情密處恰如家朱顏鶴髮明秋水瑤句魚箋動采霞
明日馬蹄衰草路桐鄉回首又天涯

吳元德

崔御史綠筠軒

種得湘筠十畝寬森森蒼玉拂簷端裁竿未許投江海
結實終看集鳳鸞錦籜有時飛曲檻綠陰終日護吟壇
淇園祇在軒窗外怪底霜臺六月寒

倪道原

題成趣亭

吳氏亭臺水竹間，百年幽興滿松關。
鉅尊雪後移當徑，石榻晴來卧看山。
晝日鳴雞花下散，春風飛燕柳邊還。
揚雄五畝城西宅，草就玄經未得閒。

智熙善

安南喜雨

丹鳳銜書下九霄，遐荒氛癘已全消。
乾坤雨露通元氣，

海嶽風雲逐使軺
楊僕樓船何用入
馬援銅柱不須標
欲知金澤涵濡遠
看取村村滿綠苗

龍仁夫

懷舊次韻

匹練潮頭寂寞飛
五雲臺榭暖殘霏
坐看殷麥漸漸秀
忽唱吳歌緩緩歸
仙井龍藏荒罅冷
孤山鶴怨舊巢非
畫橈兒女貞元曲
空繞年年細柳磯

劉詵

元夕諸子孫小飲

梅外初升寶月圓
柴門春入菜絲盤
鼓鐘不斷山城濶
燈火無多野郭寒
童子折花偏愛節
老人持酒強為歡
牙旗鐵馬羣英事
謾賦新詩寄客看

社日偶成

西郭先生嗜酒杯
敝裘潦倒積緇埃
疎疎社雨梨花老
漠漠春陰燕子來
灌圃天隨餘杞菊
閉門仲蔚長蒿萊
衰年頗覺頭風進
烏帽何因倩客裁

和彭贊府琦初新歲陪拜黃堂之什

九州八極共年華未覺天顏萬里賒
雉扇排春堦立笋猊煙泛曉燭生花
侯藩勢重嘶千騎仙樂聲高進九霞
懸想故人袍帶冷頗輸高卧屬儂家

金竹峰前共歲華新詩同賦酒同賒
君如老柳春先綠我似寒梅臘未花
晴日市眉行却月暖風客臉上流霞
小桃忽露牆東萼春色寧遺陋巷家

和張漢英見壽

吾里文章小晏家才情欲學賈長沙妙書鴻戲秋江水
佳句風行曉苑花富貴未來歌扣角畸窮相對賦煎茶
芳年京國蜚騰近預想春車墮馬撾

旦日試筆并自和

爐煙燭影共徘徊手試春風第一杯萬里星辰環極拱
五更鼓角挾春來凌寒柳意如先動閱歲梅花不受催
坐久不知天向曙出門爆竹發驚雷

老來節意重徘徊小案猶橫隔歲杯得句定知春未覺

開門喜報客頻來江山萬古晴陰老花柳千林雨露催
郡國昇平人自樂城頭畫鼓響輕雷

和劉道淵

小巷柴門剥啄聲齋爐相對得詩盟春寒未了花開落
山雨頻來窗晦明我自一經成皓首君方萬里起修名
人間變化知何據危坐東風看馬程

庚午上元雨陪學翁兄飲

元夕相看白髮兄燈花應笑兩無成村醪薄薄客三五

疎雨瀟瀟漏幾更老境情懷多舊感荒年市井少歡聲
興來欲聽祈賓喚門巷成泥懶復行

和蕭孚有新年

閉門十日雨漫漫詩思焦枯酒盞乾杜若水生江舫集
海棠風起郡齋寒千年競轉青春易百藥重回白髮難
知子頗憂天下事可能參錯立朝端

彭琦初用坡翁紙帳韻惠建昌紙衾次韻二首
為謝

雪綿揉碎密縈連清卧梅花性更便茸暖何須蠻客帳
座寒但少廣文壇窗升紅日那知曉夢壓白雲疑近天
但恐少陵茅屋漏雨宵霑破不成眠

盱溪水暖楮藤連練作雲衾與老便補幅全勝羊續布
裏身疑是鄧侯羶溫欺杲絮娛霜夜潔與梅花共雪天
要識故人淘瑩意可貪一暖但高眠

曉起用麟孫韻

七月今年涼氣高牆東古木夜蕭騷孤城殘月角初動

野屋秋風雞亂號萬事惟餘雙短髮百齡須用幾緋袍
故人莫薦揚雄賦衰老難勝執戟勞

和友人遊永古堂二首

流水小橋園路迂虛堂午憇息徐徐山空轉覺禪機寂
地勝不知人意舒靜倚修篁聞鳥語閒尋敗葉認蟲書
輞川金谷餘荒址三兩園翁自結廬

勝日偶尋山寺幽老僧石鼎沸茶漚市窮路轉得此地
人語經聲在小樓君似淵明來白社我如蘇子說黃州

雪乾沙靜春晴好出郭何妨更小留

和蕭孚有閒居即事

天氣初宜小扇輕故人不至巷泥深水村鷺去千畦雨
山郭花開四月陰愁裏有誰同細酌老來并欲廢清吟
若為共息塵勞意行遍青原處處岑

和友人病起自壽

藥案常行鼠迹塵花枝閒結膽瓶春病餘不放吟詩樂
別久重如識面新鸚鵡茶香分供客茶縻酒熟足娛親

與君共語如銅狄長作比鄰還往人

辛亥清明日陪彭琦初黃用實八人同登螺山
瑞華用仲子尚文韻

故人新句妙何陰一笑相看得會心勝日從來成解后
老懷正復托浮沈山含萬古春晴薄水挾孤城霧氣深
隨意酒家聊復醉暮歸未用典腰金

再用韻酬同遊諸公

聽盡城鐘聽寺鐘暖風扶醉覺衣重粥魚餉午催僧飯

酒榼行春酌墓松
羈客得晴辭
槐馬歸人分路
各房蜂簪花泥飲
田間老我自不如渠興濃

丁巳上元前一夕留飲蕭氏盤中和友人韻

香篆縈簾九曲盤
清尊對客語更闌
不妨小雨留人住
未覺東風到酒寒
絳燭遶廊春意鬧
玉笙連巷市聲歡
文園元有吟詩渴
更愛茶香透舌端

樓外青山勢折盤
春愁正在最高闌
落梅門巷行人少
細雨山城薄暮寒
醉裏聞歌偏易感
老來撫節強為歡

戲拈詩句償今夕尚覺春風滿筆端

遊新淦興善寺

不待前期偶出門酒壺詩擔散郊原
樹連山勢高藏屋路挾溪流曲抱村
老遇清游偏易感醉思往事了無言
此生定合重來否細踏沙頭屐齒痕

欲雨不成雲往還筍輿穩載度禪關
青天四匝高峰外白水交流亂畝間
經論已隨仙客去佛煙常共老僧閒
竟忘栢子西來意惟有溪聲送出山

再和曾學士

風水霓裳妙可聽
斷雲過雁筆縱橫
揚州杜牧樓中夢
淮海秦郎天下聲
駱馬柳枝餘感慨
沈香芍藥待才名
從今伐梓供新譜
流播梨園與妓營

謁安成魏君壇留宿其下

一溪抱峽玉潺湲
奇草幽花滿古壇
千岫月明丹石去
萬松風轉斗垣寒
白雲可踏天垂屋
老鶴不歸人倚闌
定有吹笙王母下
露淒夢冷欲生寒

重游青原回塗過清都臺和坡韻

門外江流萬里東
青山曾識老仙翁
百年客髮東風裏
兩岸人家落日中
蠟屐平生須幾到
桃花前度有誰同
文章隨意成千古
草樹荒荒老屋空

寒食和友人

二月微暄試白團
得晴一笑未應難
故人不至花頻落
好句初成酒半闌
郭外漁樵無世念
墓門翁仲看人歡
夜歸坐聽瀟瀟雨
自剪西堂寸燭殘

江上清明和友人

北郭山花開赤鷁東津榆筴作青錢
大江萬里雲連野元氣千春樹接天
豪傑盡隨流水去文章未許俗人憐
感時惜別俱常事莫放清愁到酒邊

故居南山感興

涼風薄日滿天地團作人間一片愁
衰柳馬嘶山驛晚冷孤雁落野田秋
呂安潦倒黃公酒杜甫蕭條白帝州
欲說舊家無故老杖藜默數昔經遊

乙亥留故鄉自壽

七十古稀今已迫回頭一一記兒時三生我豈後商隱

舊曾夢與李商隱
語謂余乃其後身

四海今無半子期蓋竿有情聊暢適

文章無用祇娛嬉傍人莫比耆英輩但好商山學采芝

九日蕭孚有約諸賢登高遂訪青龍寺午至桂

溪橋飲於小菴晚登菴後山藉草松下浩歌痛飲

舉酒酹野墳又呼樵童為山歌行者屬目賦詩

朝尋古寺石齧履暮上崇丘風掠冠狂飲眼看紅日盡

高歌聲入碧雲寒
亂峰猶作太古色
野墓不知遊客歡
何必龍山為故事
賦詩留與後人看

送趙光遠道州寧遠稅使

故家喬木鬱衣冠
小試司征第幾班
鵬翼未搏千仞外
馬蹄初踏萬山間
門當遠嶠花連霧
縣接清溪水繞關
詩課書程應不減
東風早送錦衣還

雨中出郭訪友

驟解冬棉復用棉
江城二月社寒天
野桃漠漠一村雨

山屋冥冥半鵑煙燕子未歸風滿面馬蹄不度水生川
惜無濁酒供新興但把新詩答暮年

清明和李亦愚

煮茶閉戶看殘編風味淒涼似玉川春到名花偏久雨
人逢佳節恨衰年棠梨野館輕寒燕楊柳人家薄暮煙
新水夜來生郭外麥畦桑隴不論錢

宋无

次友人春別

波流雲散碧天空魚雁沈沈信不通楊柳昏黃晚西月
梨花明白夜東風鞦韆庭院人初下春半園林酒正中
背倚闌干思往事畫樓魂夢可曾同

金陵送倪水西之江陵

楚江江上暮雲東萬里春波去意濃桃葉歌殘秣陵酒
梨花夢斷景陽鐘沅湘水落瓊瑤合巴蜀山來錦繡重
回雁峰前見歸雁相思何處再相逢

猿

巴峽聞聲愁斷腸
冷泉照影綠陰涼
藤搖亂雨領兒過
樹晒斜陽拾蠅忙
獻果去尋幽洞遠
攀蘿來撼落花香
空山月暗無人見
啼入白雲深處藏

鶴

毛骨珊珊白雪清
千年世上頂丹成
晴飛碧落秋空濶
露立瑤臺夜月明
仙島雲深歸有信
天壇花落步無聲
時來華表何人識
依舊翻身上玉京

湘竹杖寄無住

采向舜妃江廟前得來賈客木蘭船老宜泉石搢慵態
吟稱煙霞倚瘦肩宴坐夜和飛錫憇經行春卓紫苔穿
知師道價神龍護莫謾騰空去九天

如鏡伐竹架過牆葡萄斷竹插地復生枝葉無
住序曰瑞竹余以詩贈之

為引寒藤延晚翠試栽碧玉動秋根鳳梢依舊生虛籟
龍籜相將添遠孫林月過庭窺斷影茶煙潤色到啼痕
湯休麗藻題還徧貝葉應多此處繡

靈巖寺上方

霸業銷沈煙樹濃
吳王臺殿梵王宮
廩廊人去土花碧
香徑僧歸秋葉紅
颶母射巖風動地
蛟精徙穴霧迷空
明朝江郭重回首
寺在翠微蒼靄中

喜虛碧自龍虎歸

雨中風帽別真師
雲滿天壇駕鶴遲
囊佩山圖行幾日
棋逢仙客看多時
丹房芝朮春英長
玉洞煙霞夜夢離
定有壺公遠相送
瓢中添著幾篇詩

雨篷為吟友題

家分半席並鷗眠興墮吳頭楚尾天
機杼曉聲柔櫓月
簾帷暝色片帆煙魚龍窟宅同春夢
雞犬圖書當夜船
咫尺五湖晴景好釣竿閒在草堂前

垂虹亭秋日遣興

滿袖玉皇香案煙綵霓背上俯晴川
紅黃霜樹珊瑚海
黑白雲花玳瑁天元圃空離樓十二
丹墀罷對字三千
吟毫醉蘸吳江水寫與騎鯨李謫仙

謝僧遺石鎗

遠寄奇鎗紫玉形
寒翁歡喜欲鐫銘
茅峰道士傳茶訣
林屋山人送水經
崖瀑松風添瑟縮
地爐槐火共青熒
矮甌未罄長鑱健
且傍雲根飽茯苓

春日野步書田家

翳日橙陰翠幄遮
葑園高下奕枰斜
陂塘幾曲淺深水
桃李一溪紅白花
蘋尾自跳魚放子
綠頭相並鴨眠沙
春郊景物堪圖寫
輸與煙樵雨牧家

端石硯

千年巖璞斬新硯一片琳腴截紫青雲漢戴星來玉匣
墨池蒸雨出滄溟煙開霧斂天晶彩海靜江澄地典刑
要與陶泓作佳傳老磨松液寫黃庭

無題效李商隱

妝淺顰深憑綺疏小郎新拜執金吾絃中言語分明怨
裊上腰肢準擬扶翠履鴛寒慵鬪草紅牙馬暖罷撈蒲
無人商略心頭事潛向花間卜紫姑

雙陸

金縷紋桑斲局堅紅雲倒浸一池蓮
星環紫極無多點
月印銀潢有兩絃
行采砧聲鳴素練
計籌花片落牙錢
箇人慣受卑棲苦
長為歸遲罰綺筵

許山人家

桐君種藥隱蘅臯
竹祖生孫共養高
茶脚碧雲凝午椀
酒聲紅雨滴春槽
休糧貌古添清瘦
餌朮身輕長綠毛
仙詔未頒遲拔宅
家資猶戀一溪桃

答無功歲暮見寄

豆稭灰動擁爐天品字煨殘楫杻煙詩草病多刪枕上
眼花書久廢燈前老依蕭寺僧留宿相對蒲團夜不眠
筋力漸衰餘習在夢中去趁暗門船

御選元詩卷四十九

謹案第二十三頁後五行若使般輸來至此刊本
使訛便據別本元詩改

第三十八頁後二行品字煨殘楫拙煙刊本楫訛
骨據子虛翠寒集改



總校官庶吉士 臣侍 朝

校對官檢討 臣蕭九成

謄錄監生 臣朱文佐